

یوز قرق یدنجی ماده یوز قرق او چنجی ویوز قرق دردنجی
ویوز قرق بشنجی مادهلده بیان اولنان جنایتلر ایله متهم اولان کیمسلردن
اول جنایتلرک تمامی اجرا سندن اول یاخود دهاحکومت طرفه دین امر
تحریاته شروع اولنزدن مقدم کیفیتی و متجاسر اولنری جانب حکومته اخبار
ایدن و امر تحریاته شروع اولند نصکره دهاسار متهملرک اخذ و گرفت
اولنلرینه خدمت ایلدنلر مجازاتدن معاف اولوب فقط موقفا ضبطیه
نظارتی الته الثورلر

* (اون بشنجی فصل) *

(ساخته کارلق بیاننده در)

یوز قرق سکرنجی ماده اوامر دولت علیهیه تقلید ایدن وایتدیرن
ویاخود اوامر علیهیه پی تغییر ایدن وایتدیرن و مأمورین دولتک صح
وامضاسنی تقلید ایدن وایتدیرن و دولت علیهیه مأموریتلرینه و مأمورلرینه
مخصوص برمههره تقلید ساخته مهر اعمال ایدن و بویله ساخته مهری استعمال
ایلمان و بالجمله خزان و مال صندوقلرینک متد اول اولان اسهام و تحویلات
وسری و سار هر کونه سند اتنی تقلید و یا ساخته کارلقله تغییر ایدن
و بویله ساخته قواتم و سندلر استعمال و یاخود عمالک محروسهیه اذخال
ایلمان کیمسلر اون سنه دن اشاعی اولماق اوزره موقفا کورک یاقلعه بندلک
جزاسیله مجازات اولنورلر

یوز قرق طقوزنجی ماده هر کیم میری یه متعلق اولان هر نوع طفرالی
تمغالردن برینی تقلید و یا ساخته کارلق صورتیله تغییر ایدر ایسه اون
سنه پی تجاوز ایتماک اوزره موقفا کورک یاقلعه بندلک جزاسیله مجازات
قلنور و بویله طفرالی میری تمغالردن برینی برتقریب اله کچوروده اتی
دوات و مملکتته مضر اوله جق صورته استعمال ایدن کیمسه اوچ سنه
حبس اولنور

یوز النجی ماده هر نوع امتعه و اشیا اوزرینه دولت علیهیه نامنه اوله رق